

# Берлинд болсн күч-көлсчнрин

## ИК МИТИНГ

БЕРЛИН, августин 13. (ТАСС-н шишлинъ корр.) Централн Комитетин болн Германн Социалистическ Единн партин, берлинск комитетин, ГДР-н Министрмүдин Советин, Национальн фронтин Национальн Советин президиумин дуудварар эндр Германн оли күч-көлсчнрин, Германск Демократическ Республикд Советск Союзин Партийн - правительственн делегаци ирснд нерәдсн митинг болв.

Маркс-Энгельс-Плац гидг площадь дегд сәәхн кеерүлгддж. Эн площадас Бранденбургск уудн күртл өргн тасмшнъ Унтер-ден-Линден гидг хаалгъ бәәнә. Тер ик площадь, өргн хаалгъ, өөрхн уульниц амтәр дүүрнъ.

Н.С. Хрущев, В. Ульбрихт, А.И. Микоян, О. Гротеволь, советск партийн-правительственн делегацин чледүд, Германск Демократическ Республикин партийн болн правительственн гардачнр централн трибун деер гарч ирцхәв. Советск-германск ни-негиг угтдж, митингд ирсн амтс алых ташдж „Ура!“ гилддж хәәкрлдцхәв.

Митингиг Национальн фронтин Национальн Советин президиумин ахлач профессор Э.Корренс секв. Берлинн күч-көлсчнр эн митингд хурхларн, Советск Союзла ямаран ни-негн бәәхән медүлхәр цуглрцхав, гидж тер профессор келв. Н.С. Хрущевиг, А. И. Микояниг болн советск партийн - правительственн делегацин нань чигн чледиг, В. Ульбрихтиг, О. Гротеволиг болн Германн Социалистическ Единн партин болн ГДР правительственн нань чигн гардачнриг

Корренс мендлв.

Советск Союзин Коммунистическ партин Централн Комитетин Негдгч сегләтр үр Н.С. Хрущев үг авб. Терүг, Советск Союзин Коммунистическ партиг, советск болн немш амтнә ни-негиг угтдж, ик удан алых ташдж тосв.

Митингд хурсн амтс, Германн Социалистическ Единн партин Централн Комитетин Негдгч сегләтр В. Ульбрихтиг ик байртагъар тосцхав.

ГДР-н Министрмүдин Советин ахлачин дарук болн христианско-демократическ союзин ахлач О. Нушкен үг келсиг митингд орлцсн улс халугъар тосв.

Хурсн амтсд Ик Берлинн обер-бургамистр Ф. Эберт үг келв.

Митинг төгсв. Оркестр „Интернационал“ татв. Цуг орнутгин кәдлмшч амтсин дәәч гимниг кесг-кесг миньгън амтн дуулцхав. Теньгрт ик деер дегд оли баахн-баахн парашютс секгдәд, СССР-н государственн дарцг, Германск Демократическ Республикин болн демократическ орн-нутгудин дарцг, дакад төвкнүн бәәлгәнә элч болгч кәглдргъни зургта сәәхн кәк дарцг,

германск-советск ни-негнә темдг, ГДР-н цуг демократическ организацсин дарцг делсв. Эн ик митинг Берлинн күч-көлсчнрин күчтә гидг мартгдш уга демонстрацид хүврдж, Германск Демократическ Республикин күч-көлсчнрин ухан-седкл медүлдж, немшин болн советин атсин ни-негн бәәлгъиг, төвкнүнә, демократин болн социализмин хаалгъар цуг прогрессивн амтсин хамцнъгъу ноолдан улм батрджахиг медүлв.